

539  
6

207

9-1  
Book # 27







Digitized by the Internet Archive  
in 2010 with funding from  
Research Library, The Getty Research Institute






APOTELESMATA  
PHILOSOPHICA,  
MERCVRII TRIVM.  
PHANTIS,

DE  
VERA, ET SUMMA ANTI-  
quissimorum Philosophorum Medicina.  
IN QVIBVS ELVCIDATIO  
& Clavis totius Operis.

Labore & studio  
ARIOPONI CEPHALI  
EUTOPIENSIS.



*Cum Grat. & Privileg. Cæs. Maieſt. ad Decennium.*

MAGDEBVRGI  
Excudebat Andreas Seydner.

Anno M. D. C. I.



RVDOLPHO II.  
ROM: IMPERATO:  
RI INVICTISSIMO  
SEMPER AVGVSTO.

EX INTIMIS ANIMI DEVOTIS-  
SIMI PENETRALIBVS HVMIL-  
limæq; observantiæ ergò.

DEDICAT, CONSECRAT  
ET SVBMITTIT.

M. C. M. D. Philoso-  
phantium minimus.



# APOTELESMATVM

PHILOSOPHICORVM MERCVRII TRI-  
*umphantis.*

DE SVMMA MEDICINA

LIBER PRIMVS.

APOTELESMA

I

XVPERANTISSIMVS



Deus in principio creauit Cælum &  
Terram: Fuit autem primùm Essen-  
tia quædam ineffigiata, confusa,  
quam Matrem & primam materiam  
Mundi, seu Chaos & Hylen Philosophi nomina-  
runt.

2

Hancq; ex Nihilo creauit Optimus Max. condi-  
tor omnipotens.

3.

Nimirum Verbo dicente & Spiritu fouente

4.

Deus namq; omnium rerum principium & cau-  
sarum prima est.

5.

Cuius imago est vniuersa Natura.

A 2

Natu.

6.

*Naturatum autem sapit Naturam sui Naturantis.*

7.

*Mundus enim hic visibilis ad mundi istius intelligibilis exemplar, conditus est & effigiatus.*

8.

*Omnia autem liberrima Dei voluntate, providente, prospiciente & gubernante facta.*

9.

*Vt autem DEUS ex Nihilo (non ex præcedente aliqua Materia) contra omnes Rationis & Naturæ Leges, cuncta creavit: ita creaturarum rerum aliqua in Nihilum rursus abire nequaquam potest, nisi id fiat singulari DEI omnipotentia, contra omnes Rationis & Naturæ Leges.*

10.

*Hinc admirabiles rerum vires à nobis elici, fierique Metamorphoses veræ possunt, si modo artificiosè Naturam iuxta Chemicæ artis, tractemus & exploremus, Magisterium.*

11.

*Duplices autem in rerum vniuersitate sunt aquæ, Superiores & Inferiores.*

12.

*Res inferiores motu ac lumine superiorum calescunt, fouentur & conseruantur.*

13. Solis

13.

*Solis Lunaę vices, Ortus & Occasus, labores, deliquia & stata tempora vnde impressiones in inferiora corpora, & seminales rady emanant.*

14.

*Ignе cælesti omnia fovēte & non consumente.*

15.

*Hinc rerum naturalium, Inferiorum cum superioribus mira colligantia, continuitas, Influentia & Sympathia.*

16.

*Hæc est Cathena Homericæ, Hi sunt annuli Platonis, Hæc est combinatio rerum.*

17.

*Hæc Cabala Realis vera, non illa vulgaris Alphabetarea.*

18.

*Quicquid enim in Mundo est, ad aliud quid ordinem, convenientiam & conformitatem habet.*

19.

*Sic res Inferiores Superioribus, Et Superiores Inferioribus certo, & suo quodam modo insunt, & sibi mutuo sunt coordinatæ, convenientes vel conformatæ.*

20.

*Per harum igitur rerum vel separatim in Natura existentium vel seminaliter prius in Naturæ latentium involucris, VNIONEM ET ACTVATIONEM*

*NEM magis miranda naturaliter præstari poterunt,  
quam quis mortalis credere queat.*

21.

*Natura operatur ab indole sue virtutis & originis, prout Natura per se fert.*

22.

*Artis ope tantum exigua indiget.*

23.

*Idipsum docet Naturæ concentus & optima Harmonia.*

24.

*Qui igitur eligere nouerit Materiam dispositam & patiendi paratissimam, Agensq; fortissimum: hic præstantiores, potentioresq; producet effectus.*

25.

*Deus ut omnium Autor, sic illorum expers omnium & super omnia longè eminet Maiestate sua.*

26.

*Essentia eius tribus personis distincta est.*

27.

*Effigatio diuinæ mentis in alijs creatis.*

28.

*Propagatio & conseruatio specierum & indiuiduorum.*

29.

*DEI essentia nulla imagine, nomine, figura, effigie, forma, vel corpore exprimi potest.*

*Omnis*

30.

*Omnibus tamen Creatis sua virtute inest, ac nostris mentibus se insinuat.*

31.

*Claritas enim est & Charitas infinita, Amor Igneus, Lux inaccessibilis & vix cogitabilis, illustrans splendor & exuperans, Ardens fulgor, superans omnem intelligentiam.*

32.

*Magna in Numeris sunt Mysteria, unde Pythagorica Cabala maximorum Naturæ arcanorum plenissima.*

33.

*Omnia in DEO sunt sicut Numeri in Vnitate & in Centro omnes lineæ Circuli.*

34.

*Membrorum corporis humani vires ab Anima.*

35.

*Vnitas est fons & origo omnium Numerorum.*

36.

*Et Deus vnum est, ut Anima & Vnitas.*

37.

*Omnes res humanæ fragiles & Caducæ.*

38.

*Deus semper sibi similis non mutatur.*

39.

*Simul nostra omnia fouet, tuetur & sustentat.*

40. De-

40.

*Deus ineffabilis & innominabilis, Trigrammus notatur in Natura, Tetragrammus lege, Pentagrammus gratia.*

41

*Deus in luce æterna habitat, habens in seipso inenarrabilem splendorem.*

42.

*Lumen est qualitas omnino formalis & simplex actus, seu prima forma.*

43.

*Primæ huius, & præcipuæ formæ scilicet LV. CIS ea est facultas, ut sine ea cæteræ formæ omnes agere nihil possint*

44.

*Sicuti Cælestia sunt formaliora terrestribus, ita sunt & actualiora.*

45.

*Anima mundi media Natura.*

46.

*Hæc autem Anima mundi in Sole præcipue habitat.*

47.

*Res quantum in se habet Luminis, tantum etiam habet Numinis.*

48.

*Hanc ob causam Solem, Plato dixit, Conspicuum DEIFilium, & Dionysius perspicuam Dei statuat.*

49.

*Et secundum Orpheum, Sol est oculus Mundi, qui omnibus rebus calorem, lucem vitamq; inspirat.*

50. Hnic



*Hinc quicquid habemus boni, vt Iamblicus ait,  
Habemus à Sole, vel ab ipso Solo, vel ab ipso per  
alia.*

*Mundi igitur Anima in Sole fundata est, & col-  
locata, vt quæ globum Solis totum implens, radios  
suos vndiq; quasi Spiritum effundit per omnia, vi-  
tam, Sensum & Motum, ipsi vniuerso distribuens &  
cuncta permeans entia.*

*Anima discedente omnia corporis fatiscunt officia.*

*Et Solem, Heraclitus, cælestis luminis fontem  
appellat, quo sublato, cuncta, ait, obtenebrescere.*

*Sol est Cor Cæli, sicut in humano Corpore Cor est  
scaturigo vitalis Spiritus & sanguinis, omnibus re-  
liquis membris motum & vigorem impertiens.*

*In Sole igitur omnium rerum vegetatio & con-  
seruatio.*

*Solis effectus sunt varij: Lumen eius est actus  
simplex.*

*Sub regio Solis Imperio sunt reliqui Planetæ.*

58.

*Calor Solis est viuificus : hinc ipsius accessu omnia florent , recessu flaccescunt & emoriuntur.*

59.

*Sic autem se habet Sol in Metallis, quemadmodum Sol in Stellis.*


60.

*Metallorum enim purissimum est Aurum, in quo splendor Solis, Ignisq; cœlestis radius inest.*

61.

*Solem igitur: Aurum, & Cor hominis tibi proponimus ex Anatomia Magica & Pyronomia Philosophica consideranda legibus.*





# APOTELESMATVM

PHILOSOPHICORVM MERCVRII

*Triumphantis.*

DE SVMMA MEDICINA.

LIBER SECVNDVS.

APOTELESMA.

I.

**P**rima & Communis omnium Metallorum causa est vapor Sulphureus & Mercurius seu Argentum viuum.

2.

Differentie autem Metallorum secundum puritatem vel impuritatem vtriusq, Sulphuris nimirum & Argenti viui.

3.

Generationis Metallorum cause effectrices sunt Natura & Ars.

4.

Ars imitatur Naturam, defectumq, eius supplet, corrigit, castigat, iuuat & promouet, imò etiam Naturam superat.

5.

Duo Philosophantium Genera: Quidam naturas rerum elementales, sub Sphæra Lunæ, vulgari

modo inquirunt: Quidam longè splendidiores & ve-  
riori nomine Philosophi, arcana & Naturæ secre-  
tiora vestigant: Hi Naturæ penitiora adyta & san-  
ctuarium eius ingrediuntur.

6.

*Triplex est Operationum Ratio & Causa.*

7.

*Inferiora Corpora ad Naturam & perfectionem  
Corporum superiorum deducenda sunt.*

8.

*Longè sed alia ratione, quam quidam ex Philo-  
sophastris falsò opinati sunt.*

9.

*Sulphur & Mercurius licet sint radix Metallo-  
rum & Materia, ad aliam tamen naturam deducen-  
da sunt.*

10.

*Illud autem vinculum quo Sulphur & Mercuri-  
us debita proportionem coëunt, occultissimum est, &  
latet.*

11.

*Igitur non Mercurius vulgi aut Sulphur com-  
mune pro Materia lapidis habenda sunt, sed potius  
id, quod ex ipsis est, purissimum, scilicet, semen.*

12.

*Naturæ vegetabile considerandum est, atq; ex  
inde huius artis processus est attendendus.*

13. Pro-

13.

*Proinde Semina rerum à corporibus perfectioribus petenda sunt hac in arte.*

14.

*Tum illa terræ ab arte præparatæ immittenda & leni ac jugi calore ceu decet decoquenda, donec seminibus illis debitè maturatis & recoctis renata facies sese ostendat, ac inferiora corpora ad cælestium indolem & vigorem adæquentur & redigantur.*

15.

*Hanc artem Philosophi ex arcano DEI consilio & inspiratione condidèrunt & exercuèrunt.*

16.

*Viderunt enim res animales & vegetabiles suo quodam se Spiritu innato & interno propagare & sui simile quiddam producere diuersis alterationum motibus.*

17.

*Cumq; omnium terræ nascentium semina senio quodam collapsa fatiscant, natura sua se subinde innata virtute & Spiritu instaurare satagit.*

18.

*Quem Spiritum seu naturam rerum generatiuam & prolificam etiam in Metallis residere, Veteres illi naturæ rerum consultissimi compertum habuèrunt, æquè atq; in alijs Vegetabilibus.*

19.

*Idq̃ ex communi naturæ data lege & voto.*

20.

*Spiritus autem ille generatius in metallis cum craſſiore inhibeat ſui materia, mole ſeu illæue, oportet vt ſecreta ſublimatione, emulcebratione ſeu regimine Philoſophico ſecernatur, defecetur & perpurgetur.*

21.

*Sic enim cum obſtaculum remotum eſt, Spiritus congeneus, in connaturali ſua ſede ſeu humido innato radicali tanquam Virtus Seminaria in metallis, fouetur, retinetur & conſeruatur.*

22.

*Inde ſtatuerunt Philoſophi inferioribus corporibus Lucem, decorem & nitorem Perſectorum inducere.*

23.

*Cum illorum differentia non ſit, niſi ſecundum maiorem aut minorem ſui decoctionem, aut Sulphuris adurentis miſtionem.*

24.

N3. *Mercurius omnium Metallorum vniuerſalis Materia, & prima cauſa, eoq̃ & Auri quod ad primam ſui naturam reduci oportet.*

25.

*Quæ reductio cum non adeo difficile fieri poſſit, Igitur & tranſmutatio Metallorum, facilis eſt & poſſibilis.*

62. Modo

26.

*Modò detur opera ne forma Auri interna, inepta operatione dissipetur, sed retineatur.*

27.

*Atq; ita Naturæ ab illuie sua purificatio ritè tentetur & fiat.*

28.

*Vnde & Lapis nomen ab effectu suo sortitur quod transmutans dicatur.*

29.

*Sic nempe Artis industria Naturæ defectus ut suppleatur necesse est, cum Natura ad sui perfectionem semper tendat, laboret & anhelet, ipsa sua indole.*

30.

*Multis vero ac varijs Philosophi inuolucris enigmatibus & figuris vsi sunt.*

31.

*Due autem sunt Lapidis partes præcipuæ, Vna est Sol terrenus Philosophorum, sine quo nihil efficitur.*

32.

*In hoc enim ære Sulphur est Philosophorum purissimum, in quo Natura Sementem suam constituit.*

33.

*Oportet autem ut colore, pondere, & omnibus Elementis reliquis omnimoda adæquatio fiat in lapide, instar Auri.*

34. Di

34.

*Dicunt autem in Auro vt perfectissimo Metallo omnia alia esse Metalla suo modo.*

35.

*Omnes res secundum naturæ suæ contemperamentum & complexionem sibi simile progenerant.*

36.

*Natura vero operantis industria & Magisterio purificata procreat.*

37.

*Altera Lapidis pars est Mercurius viuus Philosophorum.*

38.

*Sine hoc Lapide Natura nihil operatur.*

39.

NB.

*Sic quoq; sine Sole & Mercurio non operamur.*

40.

*Mercurius ille tantæ est efficacia & Virtutis vt nulla alia res in vniuerso Mundo.*

41.

*Inde non immerito id celebratur de ipso: Est in Mercurio quicquid quærunť sapientes.*

42.

*Sol & Mercurius vnum constituunt Lapidem.*

43.

*Qui duo sunt Corpora mortua per se, nihilq; agunt aut procreant, quàm quod illis Magisterio Artis administratur.*

44. Mer



44.

*Mercurius Auri Semen soluendo concipit, portat in ventre suo, paritq̃ tandem, & in auras excludit, interim Mercurio manente virgine, & puerpera illæ sum virginitatis honorem seruante, dum in purum emicat Corpus.*

45.

*Hæc ars nulli reuelatur, nisi cui DEus illam reuelare voluerit.*

46.

*Hac ex arte omnium penè rerum noticia, Et hoc in Lapide vniuersa rerum Natura elucet.*

47.

*Est enim instar Mundi minoris, in quo sunt quatuor Elementa, & super hæc Quinta Essentia, quam Animam mediam Naturam nominarunt.*

48.

*Hæc Anima media Natura, in, & per vniuersum in opere hoc Philosophico.*

49.

*Genitura rerum vsq̃ ad supremam mundi horam, qua simul & desinet.*

50.

*Meritò igitur indagatio illius, omnibus veritatis studiosis deberet esse commendatissima.*

C

51. Calum-

51.

*Calumniantes autem & Ignorantes, quos & fatuos Philosophi vocant, ab hisce tam diuinis epulis, vt indigni arcendi, vt & delirantes suis sunt Euthusiasticis & Phantasticis somnijs penitus relinquendi.*

52.

*Hæc enim est Margarita vnica preciosissima & Minerva Philosophiæ occulta.*

53.

*Quæ Minerva Iouis fuit filia & ex ipsomet capite Iouis prognata.*

54.

*Nam cum Vulcanus caput Iouis aperuisset ferrea securi, profiliuit ex ipsius cerebro armata Minerva.*

55.

*Hæc igitur Minerva, & hic Vnio rerum omnium æstimationem excedit.*





# APOTELESMATVM

PHILOSOPHICORVM MERCVRII

*Triumphantis.*

DE SVMMA MEDICINA

LIBER TERTIVS.

APOTELESMA

1.

**N**atura est vis quædam Seminaria diuinitus insita rebus, ex similibus similia procreans.

2.

Natura item est Ignis viuus, Cælestis, inuisibilis, seu vigor vitalis, Calorificus, omnium rerum germinatio & Viriditas.

3.

Qua vniuersa generant, germinant & vigent.

4.

Natura etiam definitur principium motûs.

5.

Ignorato enim motu ignoratur Natura quæ versatur in continuo motu.

6.

*Cuius motus sex sunt notissimæ Species, quæ unicuiq; sincerè Philosophanti ante omnia penitiùs considerande.*

7.

*Anima Mundi in rerum generatione & conseruatione Versatur.*

8.

*Animæ omnes, ad vnam Animam Mundi, Et Planetæ omnes ad Solem vnicum, ceu Regem omnium referri debent, quod Philosophi omnes occultiores, summo Opere comprobare nituntur.*

9.

*Ad vnum Iouem enim omnia tendunt, vt ab eodem initium est, eiusdemq; omnia plena sunt in hoc opere Philosophico.*

10.

*Natura, itidem retinaculum est, & arctissimum Elementorum vinculum & ligamen.*

11.

*Hæc Elementorum inuicem mixtionem efficit, quæ omnibus rebus nascentibus suum dat esse, formamq; qua à reliquis differunt.*

12.

*Quæ ipsa licet per se omnis expers coloris, ponderis & qualitatis sit: tamen his omnibus participat, vt quarum ipsa genitrix existit.*

13. Natu-

13.

*Natura igitur est intelligibilis, formabilis, genitalis, primum Ens Physicum, ac quasi Manus & digitus Dei, quo Autore & factore omnia in lucem exclusa sunt, ut ipse est purissima quaedam lucis incessæ Lampas, quæ radio vigoris sui omnibus spirabile suum animæ & vitæ infundit.*

14.

*Ita Natura (eius quippe imago) est Ignis inuisibilis, seu vigor Igneus, quo cunctæ res multiplicantur.*

15.

*Calor omnes res in vniuersa Natura excludit, & producit.*

16.

*Et virtus Edicti, de multiplicatione & generis sui fœtura in vniuersum se diffundit.*

17.

*Inde Natura prolifica est, eiusq; viriditas, in propagando.*

18.

*Hæc q; Cabalistarum linea viridis est, quæ gyrat vniuersum.*

19.

*Quæ certo quodam motu suo, per gradus vicesq; suas alterationis & augmentationis, non desinit, nisi in suprema Mundi calce, vbi se sistet sine quiete suo.*

C 3

20. Hanc

20.

*Hanc Animam Mundi vocamus, freti autoritate Platonis, Arabum & Chaldaeorum.*

21.

*Absq; tamen omni superstitione & cultu Idolo latrico, habito interim vni DEO honore & gloria sua, quam alteri non dat.*

22.

*Venia tamen dignos censemus paganos, qui ex ignorantia magis, quam malicia errore ducti & abrepti fuere, luce veritatis illis nondum exorta.*

23.

*Sed nos hoc in studiorum genere, Apum experientiam & industriam sequimur, sua quæ fragrantissimo de florum succu mella stipant & optima quæq; à pravis segregantes & vtilia tantum tractantes.*

24.

*Prælustria illa Naturæ vestigia & auspicia hinc inde se ostendunt, in Coelo, in Aëre & varijs in meteoris.*

25.

NB.

*Hinc Auri ferriq; sua trahunt semina, hinc Iugis fontes scaturigine ortus suos habent.*

26.

*Absit tamen Error & falsum Astrologorum commentum, qui peculiare suos Astris affingunt Spiritus & Genios.*

26. Sed

27.

*Sed Animam humanam, diuinæ quædam Anima particulam esse statuimus, cum sanioribus Philosophis.*

28.

*Qua ipsa Deus mentis suæ semina quædam & effigiationem, in nobis expressit.*

29.

*Non absimili ratione, quam ut Echo ex reuerberatione aëris vocem suam de longo remittit: quo ipso Vegetalem exprimit animam.*

30.

*Sic causæ secundæ à prima impelluntur, Vnde motum suum participant & reliquis secundariò communicant.*

31.

*Haud aliter animabus nostris certæ quædam Spirituum & Angelorum deputatæ sunt cælitus excubie.*

32.

*Licet DEUS ipse hæc principaliter paterna sua exerceat & agat cum vigilantia.*

33.

*Idipsum docent Cæli meatus, Syderum Ortus & Occasus, stata tempora, & alia passim.*

34. Quæ



34.

*Quæ nulla alia arte & industria quam qua pol-  
lent, ipsa per se, indigent.*

35.

*Et hic omnia quorundam Astrologorum, vt Va-  
nâ & vanissima, concidunt commenta & nugæ.*

36.

*DEO quippe soli illa sunt ascribenda vt vniuer-  
sitatis Autori, & Naturæ, Legiq; eius, quæ illi creati-  
onibus affingere non verentur.*

37.

*Quem verò hic Lapidem designamus, Spiritus  
est tingens, inuisibilis, inpalpabilis, extra omnem  
sensus rationem, quem alter quidem Spiritus foris  
exteriùsq; exprimit.*

38.

*Atq; hoc modo, & eatenus nostrum sub aspectum,  
& tactum venit, quem varijs tamen inuolucris &  
enigmatibus nobis prisci reliquerunt.*

39.

*Hic Spiritus est Quintum supra Quatuor segre-  
gatum, ligamen ipsum Elementorum, Compages, ne-  
xus, medium atq; vinculum, quo Sulphur & Mercu-  
rius arctè coeunt in vnum Corpus Geogamicum.*

40.

*Id verò cum in absconditissimo lateat vinculum  
& inuisibile sit, vtpotè Spiritus: Philosophi illud  
in*



*in perfectissimo Auri Corpore inuestigare & inquirere satagunt.*

41.

*Ex eo nempè Natura seminalis generatiua elicienda, quæ est viuus Ignis Naturæ, seu Anima media natura, Spiritus Mundi, Tincturæ donum & Nobile germen.*

42.

*Hoc igitur vt Tincturæ adaptent, mundificant & ab omni sorde immune, & politum reddunt.*

43.

*Atq; ita infinito augmine & multiplicatione ipsam genij sui virtutem stabiliunt, & decorem corroborant.*

44.

*Vt autem homo in Corpus, Animam & Spiritum diuiditur: ita & Lapis.*

45.

*Spiritus vita est Animæ, Anima vita est Spiritus, Spiritus & Anima vita sunt Corporis.*

46.

*Anima enim & Corpus cum sint extrema, opus habent medio, videlicet, quod sit quasi non Corpus, sed quasi iam Anima vel quasi non Anima, & quasi iam Corpus, quo videlicet Anima Corpori connectatur.*

D

47. Me

NE

47.

*Medium tale est Spiritus, cuius Spiritus beneficio illa evenit augmentatio.*

48.

*Spiritus namq; Animæ nodus & vinculum Corporis, atq; ita currus Animæ vehiculumq; eius est Spiritus.*

49.

*Talis igitur Spiritus in arte hac necessario requiritur tanquam medium, quo Animæ Cælestes insint Corpori crassiori & mirificas dotes largiantur.*

50.

*Sic habes omni in Corpore Semina Naturæ agentia, & vim generaturæ efficaciamq; in hoc Lapide nostro.*

51.

*Tria namq; illa Corpus, Anima & Spiritus tibi Lapidem constituunt.*

52.

*Sub istis tribus tamen etiam quatuor Elementa Corporis comprehenduntur, Vno quasi in fœdere & compagine sua.*

53.

*Sicq; Quaternarius in Ternario Sacro quiescit.*

54.

*Quod sic demonstro & convinco. Nam Aqua Spiritus est, idemq; aër, & qui utrinq; resultat Ignis medius*

*medius Spiritus est. Sed Terra non æquè Spiritus est, sed Corpus & aliorum Elementorum retinaculum, Materia & receptaculum.*

55.

*Cum igitur Aurum sit Corpus fortissimè compactum, & firmissimè consolidatum in Natura, Hinc fit quod tale ligamen, Medium, & Vinculum, quo est coagmentatum & Concretum non possit ex eo facile haberi, nisi per resolutionem.*

56.

*Qua sed enim illud solvere possis ab arte, hic labor est, in quo se totius cardo negotij vertit.*

57.

*Hic artis secreta latent, quæ cautè tentanda sunt.*

58.

*Atq; hæc est illa solutio, de qua illud Eulogium perhibetur, quod de pulvere inopem suscitet, & cum Regibus æquet.*

59.

*Hæc igitur ante omnia sincerè Philosophanti attendenda est.*

60.

*Hac enim impurum ab omni sua illuie mundificatur, & soluitur Corpus, & Terra de fece sua nitescit.*

61.

*Sequestrantur enim impuritates, & Terra intimè purificatur.*

62.

*Quod ipsum Natura non potest per se, cum simpliciter agat tantum.*

63.

*Artis opus Magisterio & Industria.*

64.

*Sic Secreta & remota omni iam immundicia & sorde, adhærescente, quæ Tincturæ obstabant, & impedimento prius erant, fecundissima sese aperit genitura rerum in germine suo, & simile sui progenerat & educit.*

65.

*Per Spiritum enim fit ea sui similis propagatio cum omnis Spiritus sit generationis Autor.*

66.

*Hunc igitur Spiritum, si quis sciuerit ab alijs Elementis plurimum segregare, riteq; discernere, ut sit in forma intensa is inter mortales satis superq; erit spectandus.*

67.

*Tunc enim is Spiritus poterit nobis prodesse quàm plurimum.*

68. Im=

68.

*Immersus autem Corpori, & crassa nimis tenaciq;  
cohibitus hærensq; materia, in actum suum & vim  
generationis erumpere nequaquam potest.*

69.

*Igitur soluendus est vinculis Corporeis, ut liberè,  
ceu impedimentis remotis virtus sua cœlestis & pro-  
lifera effulgeat.*

70.

*Tunc enim augmentatur viresq; acquirit sum-  
mas, & fit centies millies potentior quam fuerat pri-  
us in Natura sua.*

71.

*Sic Aurum quoq; quod mortuum est, animatur  
& Spirituale redditur, hoc est, in primam sui redu-  
citur Naturam, nempe in Spiritum Aquæ, & vapo-  
rem Terræ.*

72.

*Hiscæ ex Seminibus Sulphur & Mercurius or-  
tum suum trahunt, Vnde omnium aliorum Metallo-  
rum fœcunda propagatio & genitura est.*

73.

*Perfecta autem illa perhibetur Solutio, si Spiri-  
tus & Anima Auri separata & nexus illius diuortia  
facta fuerint.*

74.

*Auri vero temperies cum sit omnibus suis partibus absolutissima, & iustissima in proportione, & summa aequatione Calidi, frigidi, Humidi & Sicci: Ut igitur corrumpi & tam forti nexu exolui possit sub conseruatione suae formae, Hoc opus hic labor est.*

75.

*Necessum igitur est in Elementis dissidium, diuortium, litem & Discordiam fieri: qua commissafit solutio & mortificatio Corporis, & abluta atq; exuta penitus veteri: noua de recente emergit Natura.*

76.

*Qua se ratione refeminare fertur Aegyptius ille Ales Phœnix.*

77.

*Sic quoq; Elementa veteri abiecta palla & sordesua exuta renirosunt, leta quadam iuuenta sua, & Natura positis micat laetior exuijs.*

78.

*In hoc autem Magisterio Solutionis & Separationis, in primis opera danda erit Artifici, ne ledatur & euertatur germen Naturae, neue vis genitura, & forma sua interna interimatur, comburatur, dissipetur aut perdatur in aliquo, vtpote qua semel hausta & absumpta nihil planè effici poterit.*

79. Sed

79.

*Sed subito quasi veneno, omnis Spes generis enecata, suprema in calce labascet, & evanescet.*

80.

*Hæc est sincera & solida Philosophia, de solutione & Analyfi Physica, pressa tot umbris, tot nugis Stolidi vesana per omnia vulgi.*

81.

*Est autem triplex Solutio: Vna Corporis crudi: altera Terræ, quæ huic operi apta & conueniens est, seminaq; rerum alit: tertia est augmentationis.*

82.

*In harum qualibet & illa tria ritè notanda veniunt, pondus, mensura temporis, atq; Ignis: omnia suo cum moderamine.*

83.

*Cum igitur noris pondus Mercurij, & Auri, mensuram temporis, & regimen Ignis: quo Solutio perficiatur, sat est.*

84.

*Tum Signa in aperto se ostendunt, an rectè vel perperam operatus fueris.*

85.

*Et dies, Menses & Anni Philosophor: notandi sunt.*

86. Tribus

*Tribus nempe diebus se vna dahit proba, quæ te  
vel exhilarare vel tristari poterit.*

87.

*Tres igitur tibi dantur dies & duæ noctes in Ope-  
re Philosoph: faciundo. Tu verò, qui filius esse labo-  
ras Philosophicæ veritatis ardenter ora Deum, vt  
ultima, hoc est, tertia dies in Rubro tibi effulgeat.*

88.

*Similiter & tres Sophiæ Clauēs notabis, solutio-  
nem nempe, Coniunctionem, & Fixionem.*

89.

*Et alias duas asserimus Clauēs: Vnam Corpus  
aperiendi, hoc est, soluendi. Alteram claudendi idem,  
hoc est, figendi.*

90.

*Quæ duo Lapidem nobis sua virtute figurant &  
exhibent.*

91.

*Vt interim de nigro Corui Capite nihil moneam,  
cuius falsa & inani emersione quam plurimi miselli  
in errorem abrepti, & extremè seducti sunt.*







# APOTELESMATVM

PHILOSOPHICORVM MERCVRII

*Triumphantis.*

DE SVMMÆ MEDICINÆ.

LIBER QVARTVS.

APOTELESMA.

1.

**V**Sus autem & praxis huius nostri operis, est ipsa Naturæ resectio, & instauratio.

2.

Omniū igitur hic Salium genus, omnia alumina, aliarum rerum exoticarum vsus cessat, nullius quæ nobis hic momenti sunt.

3.

Sive soluas, sive sublimes vulgaribus hisce vsus auxilijs, quæ omnes vulgares operationes ad artem hanc sunt impertinentes & adulteræ.

4.

Cassa etiam illa omnia, quæ in frustratorio illo rubefactionum, dealbationum, incrustationumq; opere insumpta sunt à vulgaribus Alchumistis & artis impostoribus.

5.

*Duo autem Summa huius artis sunt puncta & rerum fastigia.*

6.

*Primum punctum est de Solutione, & Separatione.*

7.

*Secundum est de Coniunctione, & fixatione, ubi & de augmentatione.*

8.

*Sex autem numerantur Philosophicæ Operationes, nempe, Compositio, Putrefactio, Solutio, Diuisio, Mundatio, Vnio seu Perfectio.*

9.

*Quod breuiore via sic attentabis : Mercurij non minus quam duodecima pars sumatur. Et in proportionem suam de soluto corpore ut fiat Solutio prima : Atq; ita liquitur ac premitur magna vis Auri.*

10.

*Oportet autem, ut Mercurius depuretur Sale ad id peculiariter parato, ut subtilissima & media eius Substantia haberi possit.*

11.

*Huius Aquæ purificatæ aliquot partes benè commisceantur cum vna parte Solis purissimi in folia vel bracteolas ducti.*

12. Post

12.

Post ponatur in apto vase vitreo breuioris & gracilioris colli. Stent in Cineribus ad Aquæ superficiem.

13.

Ignisq; & Calor æquilibris Geometrica proportionē adhibeatur.

14.

Donec emineat ab ipsa Mercuriali Aqua Terra quædam, subtili vaporum Spiritu.

15.

Quæ quomodo sit præparanda, Philosophi est considerare.

16.

Hæc Venus natans dicitur in aqua Mercurij.

17.

Hæcq; illa ex Mari procreata: Iupiter enim iratus, patri suo Saturno genitalia excidit acuta falce atq; ea in mare proiecit, Vnde Venus nata est.

18.

Hic Sulphuris Aura in versicolore sua Specie quasi in morem Iridis, in pura & fluente Aqua conspicienda.

19.

Tota enim Sulphuris proprietas per Iridem exprimitur & præfiguratur.

E 2

20. Non

20.

Non enim nisi Sole fulgente Iris conspicitur, & occumbente Sole etiam Iris occultatur, quæ etiam pluuiarum prænuncia est, & in signum gratiæ à Deo constituta, Et plura alia Mystica sub Iridis imagine latent.

21.

Sed Venere extracta, sumes aquam, in qua est Anima Solis, vel Mercurius, eamq; lento Igne distillabis ut inter lapsum guttularum momenta numerari possint. Sic Aquam habebis viuam, quæ ab effectu sic appellatur.

22.

Corpora enim inanima tactu suo viuifico restau-  
rat, & duplici Naturæ virtute & germine pollet.

23.

Est enim ex duabus naturis composita, scilicet,  
ex Spiritu & Anima.

24.

Spiritus Animæ currus est, eiusq; vehiculum & retinaculum.

25.

Vocatur hæc Aqua multis nominibus: ut acetum acerrimum, Luna, Fæmina, Sperma vel Menstruum fæmineum, Cælum, Mercurius.

26.

*Corpus autem vocatur Sulphur, Sol, Masculus, Semen Masculinum, Terra, & Mercurius.*

27.

*Quæ cum distillando depurantur, Mercurius sua defecatur ab illuie, & sordibus eximitur.*

28.

*Et sic Lucifer dicitur Cælo præcipitari ac delabi: & Anima sua in luce refulget.*

29.

*Ita primum in Cælo fuit malum: Lucifero autem lapso, & detruso omni sua macula mundificatus est æther, Angeli reliqui in throno suo confirmati.*

30.

*In hisce prima hætenus Præxeos pars fuit, scilicet in Solutione & Separatione. Sequitur altera hac priore longè sublimior, & diuinior pars quæ est de Coniunctione, Fixione, & Augmentatione.*

31.

*Hæc autem pars est Secretissima, & maxime ardua, vtpote Corpus inanime in Speciem viuentem confingere.*

32.

*Quo ipso DEI, non hominis tentatur opus: Animam nimirum ad Spiritum, hunc ad animam & rursus illa duo ( Spiritum scilicet & Animam ) ad*

Corpus reducere, vt haustum nervis animæq; vigorem in se recipiant vicissim.

33.

Quis autem Animam dabit Lapidi, aut vivificabit Metallum? certe non penetrat hoc Arcanum nisi ad Artificem solertissimi ingenij, & non duræ cervice.

34.

Nouisse enim exactè oportet quantum sit Animæ, quantum & Spiritus, & quantum Corporis, quò in debita proportionè Naturas homogeneas ritè coniungas atq; connectas.

35.

Coniungere igitur discas duas Aquas Superiores & Inferiores, Sulphur & Mercurium, Animam & Corpus, Solem & Lunam, Masculum & Fæminam, duo Spermata, Cælum & Terram, & duo Argenta viua.

36.

Ex istis duobus fit verus Mercurius viuus, non Philosophastrorum, qui de Mercurio vulgi hæc intelligentes miserè hallucinati sunt.

37.

Hic namq; est iste Mercurius Philosophorum, qui Triumphans suo gradu & modo dici posset: in quo omnia insunt Metalla.

38. Di-

38.

*Diciturq; Hermaphroditus Fœmina, Masq; simul in ipso Animæ & Corporis Matrimonio, sexu incallescens utroq;.*

39.

*Hicq; Phoënix ille, qui sator ipse sui est.*

40.

*Salve plena DEI mihi munere Vena: Tu das epulis accumbere diuum.*

41.

*Hinc vera Solutio & Putrefactio Philosophorum dependet, dum Terra suo se Spiritu congenito soluit.*

42.

*Corpus enim in aëre subtilissimo soluitur. Calidum enim & humidum sua vi corpus soluunt, Quia Anima media in Vitro & Natura colorem nigricantem principatu suo tollunt, quod caput Corui dicere, & Solem nigrum.*

43.

*Hinc tres Circulos, tresq; Soles: nimirum, Album, Rubeum, Nigrumq; hunc notabis Solem.*

44.

*Post nigredinem omnes Mundi Colores emergunt, qui tandem in albedine vera, tanquam Centro conquiescunt.*

45 *Albus*

45.

*Albus & Niger sunt extremi Colores inter quos Medij, Multiplices & Vary.*

46.

*Inde album Lapidem, Solem album, Lunam plenam, Terram albam, Calcem albam, Sal Metallorum, Terram calcinatam dicimus.*

47.

*Ita quoque Terra viua, Sulphur album & viuum dicitur, cum Anima jam in Corpus introducta est, impedimento remoto, hoc est, illuvie omni emundata.*

48.

*Terra autem non solum aërea est, sed etiam Ignea.*

49.

*Ignis autem Naturæ attendendus est.*

50.

*Fit autem Terræ Solutio Igne industriali longè breviori via, & temporis Spatio, quam Igne Naturali.*

51.

*Hic ut Ignis moderamen ritè obserues oportet & quam variè Ignis, eiusque strues habeatur.*

52.

*Philosophi suum Ignem Balnea dicunt, finum equinum, Solem.*

53. Et



53.

*Et Lapis in triplici est Vase coquendus, ne Ignem adeò fortem trahat, sed qui sit instar caloris Galli-  
næ, quando ouis incubat.*

54.

*Quo Calore Draco, hoc est, Auri terra se mortifi-  
cat, & omnibus Elementis exspoliatur.*

55.

*Post seipsum iterum viuificatur receptis & purga-  
tis jam illis omnibus.*

56.

*Sic Draco omnem prius exspuit illuuiem, & atra-  
venena, & candorem jam recipit per vniuersa sua  
membra niualem, instar Cygni.*

57.

*Et Coelum descendit in Terram, hinc Terræ fit  
sublimatio, & ex Cælo & Terra res vna.*

58.

*Tum Lapis ubi fixam contraxit albedinem: Tunc  
erit alius Mundus, aliâq; vita, priore longè excel-  
lentior.*

59.

*Nam tum Terra est Cælum Animæ, & Anima  
est Cælum Terræ vel Corpori.*

60.

*Anima verò purgatur per Spiritum, per eundem  
& Corpus.*

61.

*Et nisi Anima, & Corpus conjungantur: perpetua Elementorum inter se pugna, & Discordia esset.*

62.

*Vti illa omnia pulchrè videre licet in Dialo-  
quodam Spiritus, Animæ, & Corporis.*

63.

*Post apertionem Solis à Luna, Sol eandem clau-  
dit, & coagulat in ipso Solis & Lunæ matrimonio.*

64.

*Solem prius in Lunam ire, Deinde Lunam in So-  
lem, est omninò necessarium.*

65.

*Non tamen hoc subito, sed paulatim fit.*

66.

*Hinc igitur intelliges, quando in Luna Sol splen-  
dere debeat, & Phœbi Calor euigescere.*

67.

*Cum Luna à Phœbi calore est accensa, tunc So-  
lis fulgentis est Indicium, Cuius tamen fuluum exor-  
tum præcedit Aurora Citrina exoptatissima, quæ  
Solis ortum Luce prima demonstrat.*

68.

*Duo autem sunt Impedimenta intermedia, nem-  
pè, Venus & Mercurius: quibus ablati fit Solis &  
Lunæ mirabilis & inseparabilis coitio.*

69. Tuncq;

69.

*Tuncq; Luna non ampliùs deliquium patietur  
Luminis sui, Sed Sol & Luna sua fulgebunt Luce  
propria.*

70.

*Hic emerget felici omine dies vltimus Mundi  
prioris, post quem alia erit vita, aliùsq; Mundus, pri-  
ori longè sublimior, vbi aut Lux impermutabilis, aut  
Tenebræ, pice flagrante, perpetuæ.*

71.

*Ignis enim de Cælo descendet, iterumq; ascendet,  
& Imperfecta ad plenam suam perfectionem addu-  
cet, ac Tinget.*





# APOTELESMATVM

PHILOSOPHICORVM MERCVRII

*Triumphantis.*

DE SVMMA MEDICINA

LIBER QVINTVS

APOTELESMATA

I.

**P**ostquam igitur Lapis albicantem contraxit colorem, nondum plenos & maturos geniturae sustinet annos.

2.

Fulcris adhuc, succo, & alimentis insuper indiget, ut germine suo se multiplicare possit.

3.

Prisci Philosophi Naturae saltem ductu operantes, ex geminis Aquis suum auspiciati sunt laborem.

4.

Vnam autem partem reservatam tenuere, cui rubedinem super ignem indidere.

5.

Alij postmodum toti fuere in Rubro occupati, utpote, quod in eminentiore gradu, suprema virtute praeualet.

6. Quem

6.

*Quem laborem iteratò, & multa vice repetierunt.*

7.

*Omnia maiori Ignis, & operæ industria, molimine & gradu.*

8.

*Lunæ addunt de Iouis & Saturni Spiritibus, atq; ita per sublimationem Philosophicam, & per Sperma Lunare tentant, & complent augmentationem.*

9.

*Quin etiam Lapidem de Solis Spermate, alijs rubellis Spiritibus Veneris & Martis inaurant, & rubescere cogunt.*

10.

*Inferiora enim Corpora Philosophica multum in se Tincturæ recondiderunt.*

11.

*Quæ Corpora, Spiritus, & pueri dicuntur. Atq; ita pueri dicuntur ludere cum Lapide.*

12.

*Vt etiam Vrina puerorum quatuor annorum, hoc est, quatuor Inferiorum Corporum.*

13.

*Vnde Aqua Philosophorum fortissima, quæ Aurum soluit.*

F 3

14. Et

14.

*Et Lapis Philosoph: ex Auro & Natura est, cuius virtus efficacissima est, & vsus in Medicina maximus*

15.

*Est & alius Lapis, non æquè pollens virtute tali, in quo sola Radix, & Sulphur Auri & Argenti est.*

16.

*Quod Sulphur se Spiritibus suis per inferiora Corpora, ac sua per rata pondera, colligit.*

17.

*Vnum nempè ad tria: Vel duo ad Septem apponendo: Atq; ita duo Sulphura ad Septem Spiritus in proportionem appendantur: Inde Nouenarius numerus Mysticus exurgit.*

18.

*Tertius Lapis est, ex Sulphure omnium Metallo-  
rum, cuius Spiritus in Tincturæ vsu adhibetur.*

19.

*Spiritus enim est, qui multiplicat, non Corpus: & Lapis est Spiritus Tincturæ, seu tingens, & Spiritualis virtus, & Igneus quidam vigor, fortissima, sua penetrans impressione, Corpora Metallorum.*

20.

*Qui Lapis nutritur Igne diurno, & nocturno, & ab Operis iteratione Incrementa sua trahit.*

21 Quò

21.

*Quò plus enim iteras Opus, Solemque soluis, eò plus tinges.*

22.

*Soli verò & Lunæ iunctis, pueros quoque jungas, hoc est, Inferiora Corpora, Sole illis prædominante.*

23.

*Maxima namque Solis est vis, efficacia, & Effecta præ reliquis omnibus alijs Corporibus efficacissimæ.*

24.

*Quæ verò omnia, cum Mystica sint: prisci Philosophi varijs illa enigmatibus condidère, juxta illud Platonis præceptum: Artes ut lateant sua perque enigmata crescant.*

25.

*Hinc crebræ Poëtarum Fabulæ, Quinquennia Pythagoræ Silentia, & Ægyptiorum Oracula, ne gemma nobilissima huius Sapientiæ, porcis & Suis bus projceretur.*

26.

*Hinc notabis Ouum Aquilinum quod Scarabæus dirupit.*

27.

*Aquila namque Anis violenta, & crudelis est.*

28.

*Scarabæus è contra, constanti, & alacri animo, nec viribus caret, nec ingenio, licet inglorius in suo latitet fimo.*

29. Ouum

29.

*Ouum enim Aquilinum etiam ex Iouis gremio in  
terram præcipitat & dirumpit.*

30.

*Artificium igitur hoc Scarabæi imprimis atten-  
dendum.*

31.

*Simul subtilissima fini ars addiscenda.*

32.

*Vt habere possimus dissolutum Aquilinum Ouum.*

33.

*Oui istius dissoluti albumen & vitellum considè-  
ra attentius.*

34

*Simulq; voluendo, reuoluendoq; contempera, vt  
pilas suas conglomerant Scarabæi.*

35.

*Sic inuoluto albumine, in ipso vitellinofo liquore  
magna fiet Oui istius Metamorphosis.*

36.

*Ex quo artificio certissimo, & utilissimo, excel-  
lentissima deniq; emerget Medicina.*

37.

*Vt Lapis est ubiq; in Monte, & Cauernis, in Sum-  
mo, in Medio, inq; imo est.*

38. Et



38.

*Et in omni Re, vel Natura, inest Lapis: una licet illi sit propinquior alia.*

39.

*Corpora enim Perfecta suis animant Imperfecta vinculis, vt in vno fœdere, sub Igne perstent, & maneant.*

40.

*Atq; hac de causa Lapis dicitur Mulieris opus, & puerorum lusus.*

41.

*Mulier hic Terra, & Mercurius etiam vocatur, qui Opus hoc perficit: Pueri vero Corpora inferiora.*

42.

*Tria enim Elementa ludunt cum Terra vicissitudine quadam sua.*

43.

*Atq; ita Lapidem augmentant.*

44.

*Quomodo hoc Lapidis Opus Creationi Mundi, Hominis, & Naturæ comparatur.*

45.

*Hic graphica Virginis Philosophicæ descriptio, Aues sursum deorsumq; volantes. Hermes in sua Cathedra, & alia notentur, quid velint.*

46.

*Talem Venerem cum vidisset Paris, eam Iunoni  
& Palladi prætulit.*

47.

*Item Allegoria Merlini & Balneum Regis pro-  
bè excutiat.*

48.

*Est & alia via Regia.*

49.

*Vbi sumitur Lapis tritus ac Sale conditur, &  
cum Sole super Igne liquecit: Hinc vnà cum Sali-  
bus notis jam Solutis, vna eademq; Opera demitti-  
tur, optima inde illi facies effulget.*

50.

*Iamq; sua in virtute Mercurius exultat & tri-  
umphat.*

51

*Graphica post notetur Lapidis seu Naturæ ipsi-  
us descriptio, in Sene quodam.*

52.

*Vbi Hermetis aperitur Schola: Liber aureus  
precium studij, Operæ & virtutis immortale pro-  
ponitur.*

53.

*Fons Regis eiusq; descriptio, vna cum fornace, v-  
bi & tempus lotionis, & moræ, dum Rex est in bal-  
neo, exprimitur.*

54.

*Similiter & meta, gradus, spatium, moderamen  
& ætas tibi notanda veniant.*

*Ita*

55.

*Ita vt Ars Naturæ defectum suppleat.*

56.

*Totus enim Operis processus cum suis adiunctis  
& attributis est in Colore, Igne, Tempore, Serie, Re-  
gimine, Pondere, & iusta Materia, & Ordine.*

57.

*In Sole igitur omnes Naturæ vires, quasi in re-  
ceptaculo, & fonte perenni reconditæ sunt: Et Sol  
vicissim per vniuersam naturam suos spargit & in-  
fundit radios.*

58.

*Præsertim autem Solis vis micat in Lapide.*

59.

*Cum enim in qualibet re Naturali eius insit Spi-  
ritus, eo magis erit in Auro & Lapide, qui Naturam  
suo laborantem defectu, iuuat & instaurat.*

60.

*Omnis enim Generatiua & Seminaria virtus est  
in eo Spiritu.*

61.

*Et virtus Animæ Mundi per eum dilatatur per  
omnia.*

62.

*Cum nihil reperiatur in toto Mundo, quod sue  
virtutis scintilla careat.*

63.

*Per hunc Spiritum omnis occulta proprietas pro-  
pagatur in res inferiores.*

64.

*Hunc igitur Mundi & Solis Spiritum aucupari possumus in omnibus, In primis tamen in Auro, cui maximè inest, & quod plurimum eius hausit.*

65.

*Hæ etenim res, in quibus Spiritus ille minus immergitur Corpori, ac minus cohibetur materia, Hæ etiam potentius perfectiusq; agunt, tum etiam promptius generant sibi simile.*

66.

*Omnia item reliqua Corpora & Metalla vim suam huic vni contribuerunt Soli, seu Lapidi.*

67.

*Sol omnis huic suas communicauit dotes, vnde igneam & penetrantem habet Naturam.*

68.

*Iupiter huic justam addidit temperiem, per omnia Elementa, æquabilem.*

69.

*Omnia in Auro summa insunt, vt illud nulla corruptio, vel Igne, vel Aqua inuadere, atq; imminuere possit, Cum Corpus sit perfectissimum.*

70.

*In Compositione enim Lapidis, & in Auro quatuor conueniunt, Elementa. Æquantur enim ibi omnia Elementa equatione vera, secundum omnem possibilitatem Naturæ.*

71. Hinc

71.

*Hinc mira tibi resultant Effecta ab illo Lapide,  
Per omnia enim membra interiorum instaurat vigo-  
rem. Humores vniuersi Corporis, temperamento  
quodam mirabili, sua in harmonia conseruat, & Na-  
turam ipsam suo in Esse retinet.*

72.

*Accedit eius Solutio, Depuratio, Exaltatio, &  
diuturna in Igne enutritio, vnde Astralem penitus  
vim & caelestem acquisiuit, cum sit pura, & ipsissi-  
sima quasi forma Auri.*

73.

*Et haec forma inter omnes formas Mundi non  
solum est Qualitas excellentissima, sed etiam Quan-  
titas, quia conforme quoddam Corpus habet suum.*

74.

*Hinc vis, & efficacia veri Auri potabilis, qui La-  
pis noster est, facile aestimari potest.*

75.

*Dosis eius est in pondere Grani Synapi.*

76.

*Elementalis enim ceu Materialis virtus vt mul-  
tum agat, multam etiam desiderat Materiam: For-  
malis autem in minima quantitate plurimum potest.*

77.

*Anima quin etiam & forma vnius cuiusq; rei*

*Specifica; multò & plures & præstantiores virtutes operationesq; habet, quam vel ipsum Corpus vel eiusdem rei Materia.*

78.

*Hocq; illud Corpus asserere non dubitamus, quod dicitur Analogum esse, seu proportionem respondere Elemento Stellarum.*

79.

*Compendiosiore etiam via Lapidis confectio ita exhiberi poterit, quod Opus MINVS quidam vocarunt.*

80.

*Precium foliatum limatumuè componatur cum Mercurio Masculeo in duodecima proportionem, cui leuem subdas Ignem, quo vsq; Mercurio Venus supernatet.*

81.

*Solvente iam Mercurio Corpus: id ad imum vsq; extrahe. Quæ pars Operis una.*

82.

*Post Sulphur in vitro ponas sine Aqua, & Animam Lunæ cum Aqua Corporis sui distillabis, ut Sulphuri in una eademq; jungatur vitri ampulla.*

83.

*Vt ita multis vicibus sursum, deorsumq; in se exurgat, mergatq; vicissim, donec aquam suam Venus imbibat, atq; sub Albo penitus concipiat, niuisq; instar effulgeat.*

84. Quæ

84.

*Quæ est digestio & Operatio ad Album Elixir.*

85.

*Tertia deinde sequitur Operis pars, quæ est resoluti Corporis, maiore sub Igne Citrinatio, & Fixio ad Elixir Rubeum.*

86.

*Breuior via: Solue Corpus, cui adde Sulphur, & mundifica omni ab sorde sua: Spiritum sublimes, & illum Sulphuri addas, vt illud in Auro imbuat & inebriet*

87.

*Sic namq; Spiritus, & Sulphur coniurant amicè inuicem.*

88.

*Ex quo totius Artis & Operis Magisterium patet.*

89.

*Mercurium enim & Sulphur Auri habere est omninò necessarium.*

90.

*Spiritus tingit: at Sulphur pondus communicat, & Corporis mensuram adæquat, quod sua per coagula nectit, vincit & figit.*

91.

*In Venere namq; Auri nostri, vniuersam Naturæ arcanum delitescit*

92.

*Idq; ipsum coagulum suum esse ingenuè fatentur Philosophiæ huius Consultissimi.*

93. In

93.

*In quo omnia sunt huius Magisterij reconditissima Mysteria.*

94

*Mundificato igitur coagulo impedimenta, & obstacula cessant, felici iam Tincturæ auspicio.*

95.

*Vt enim immundus pannus lotione adaptatur, ad Tincturam in se recipiendam.*

96.

*Ita quoq; Sulphur Naturæ, non comparatur, nisi prius aqua abluatur.*

97.

*Quod abluere, seu quæ lotio nihil aliud est, quam soluere, seu Solutio.*

98.

*Qui namq; soluit, abluit & mundificat & e contra.*

99

*Aquam vero hic intellige Mercurium, quo fit lustratio ab omni illuie.*

100.

*Ita Mercurius dicitur, clavis aperiens Corpus, Sulphurq; albificans.*

101.

*Sic namq; omnia & vniuersa remouentur obstacula, tincturam inhibentia, Quæ sunt Mors æterna, & nunquam Cælum petunt.*

102. Vnde



102.

*Vnde clarius adhuc hæc tanta Naturæ Mysteria  
patescunt.*

103

*Quæ omnia sincere Philosophantium relinqui-  
mus consideranda, & excutienda Iudicijs, vt & alia  
in his Apotelesmatis, quam plurima.*

104.

*Nihil etiam aliud est Sacra Lapidis scientia,  
quam Naturæ aut Terræ mundificatio, quæ fit me-  
diante Aqua.*

105.

*Illam iam obtenta, & ritè secuta: omnis vltro rece-  
det obscuritas & egestas.*

**FINIS APOTELESMATVM  
MERCVRII TRIVMPHANTIS.**



**H**

**FAM.**



FAMILIÆ COPORVM  
DE CALVIS INSIGNIA.



MARTINVS COPVS, MEDIC: DOCT:

AVSPICE DEO.

AD



A D

# FAMILIÆ COPORVM DE CALVIS INSIGNIA.

**P**Egafus elata dum se fert calce sub auras  
De puro Sophiæ fonte recludit aquas:  
Nam pede quod teritur sub versicolore Rosetum  
In Viridi, inq̃ Albo, Signa decoris habet:  
Inde Sophi Consultæ petunt, sua vt illinit Aurum  
Germina, de triplici quæ patefacta jugo.  
Namq̃ atri faciem Clypei fert Candor, at illum  
Miratur niueo Signifer Albus Equo:  
Artis opus letum, Sophiæq̃ arcana renident,  
Vnius ex gemino Syrmate inaurat Equus:  
Quæ generosa tibi notat Vngula, & vtraq̃ famam  
Parthenope, ac Sophiæ flore, Genetta refert.



PARÆNETICVM  
AD CLARISSIMVM ET DOCTISSIMVM VIRVM D. MARTINVM  
COPVM, VTRIVSQUE MEDICINAE  
Doctorem, Philosophia secretioris Coryphaeum,  
& Archiatrum excellentissimum, Amicum  
suum honorandum.

CARMEN  
HENRICI BOLSCHENII. I. C.

Protei fabula.

Confessus  
Philosophorum.

Artium &  
Philos. origo.

**E**Rgo quid in remoram te, Consultissime, adegit,  
Vt cœpto abstineas? & iniqua Nefarius audet  
Scurra loqui super arte sacra, quàm Chemia rerum  
Vbertas fecunda suis opulentaq; donis  
Pandit ab arce Deum. Velut idē calite Proteus  
Pyxide, vim flammæ superum furto abstulit olim,  
Et gratis hominum partitus mentibus, auram  
Numinis aetheream latè diuisit, ubi omnem  
Impleuit nidore locum, propriamq; sacrauit  
Flaminis igne Domum, sibi Numinis alma potestas,  
Qua se in Confessu Sophia propago recepit.

Hinc Artes creuere bona, quis dicere falsas  
Audeat, à superum quæ processere reclusis  
Igniculis? absit furor ille, & Erinnydos iras  
Ipsa suo Nemesis saturata dolore, per omnes  
Pauarum trahat exequias, sub verbere sauo.

Artibus at suis est honor, & sunt premia dignis  
Laude Virtus, sua quos fama aethere portat aperto:  
Quorum ego si numerum, si scripta, insignia scripta  
Volo, reuoluo, tui mihi mente recurat, in illis

Instar

*Inſtar, & ingenij, & ſtudyj, dum priſca Sophorum  
In lucem è tenebris euoluere ſcripta, laborem  
Haud trahis ingratum, nodosq; incidis, & artem  
Oſtendis Cælo, & manifeſta in luce reponis.*

*Quale peregrina ſyduſ regione Viarum  
Erranti, monſtrante viam face ſignat, ad oram  
Eupoliſ ignotam priuſ: huic diſcedere aperto  
Paulatim incipiunt tenebræ iam tramite, & illi  
Quam petiit, oſtendit via præuia Syderis, Urbem.*

*Vt fatale Magis ſyduſ cunabula, & ortum  
Bis nati oſtendit Regis, dum ignota ſequuntur  
Numiniſ admonitu veſtigia, ad ipſaq; Diuûm  
Ora, pede inflexo, ſua lati munera promunt.*

*Tale tuiſ, nobis aperitur nobile ſcriptiſ  
Syduſ, & è medijs lux præuia nata tenebris  
Signat iter, Duce quo felices Eupoliſ oras  
Peruenimus, Sophiq; toro interiore reſeſſum  
Luciſ in acceſſum radijs, propiore ſed hauſtum  
Numiniſ auſpicio libamus, & abdita rerum  
Quæ ſimulacra latent, diuino euoluimus auſu:  
Quando hiſce à Sophiæ longè præſepibus arcenſ  
Ingratum Veſpaſ, genus, acta Numiniſ iræ  
Vt ſeſe, æterna, & macerent ſua vota, querela.*

*Ergo tuiſ meritò ſtudyſ gratamur, & illam,  
Quam nobiſ monſtrante viam face, & auſpice ſignat  
Numine, felici ingredimur Duce lumine, & orſiſ.*

*Palladiſ auxilio, reſ vt Romana labasſcit  
Ad ſua regna nouo cum flore reuertitur, inſtar  
Arboriſ hâc, illâc quam venti turbine pulſant,  
Imminuuntq; ſuiſ conciſam, & frondibus hauſtam,  
In fera bella Nothi exercent dum cominùſ iras.  
At Cæli poſtquam faciſ miteſcit, & auræ  
Iam poſucre, nouo ſe vere reſeminat arboſ,  
Et Cæli inuictò faſtigia vertice pulſat.*

*Simile.*

*Syduſ Ma-  
giſ præui-  
um.*

*Applicatio  
ſimilitud.*

*Gratulatio.*

*Simile ab  
arbore.*

Non aliter Sophie dum formosissima in hortis  
 Arboris effigiem metitur, & explicat almis  
 Leta comis sacra Palma, suis & prodiga donis :  
 Vim rabidi patitur Borea, aspera flabrag, in illam  
 Quæ concurato ruit AEolus agmine, ut hortum  
 Turbine vastat atrox Sophie, & graue vertice quasso  
 Fulmen agit, facilem ni Iuppiter increpet iram :  
 Hic subito in melius, sua resq, est integra Mafis.

Continuo attollunt Zephyri, noua namq, Fauonij  
 Gratia ridet, & Arctoa de parte serenat  
 Spem Sophie, & studijs melioribus annuit æuum,  
 Fataq, ab exuujs, peregrino ex hoste receptis.

Diocletia-  
 nus Anno  
 Christi 290  
 Christianæ  
 & Chemicæ  
 professionis  
 hostis  
 acerrimus.  
 Caroli 5.  
 tempora.

Barbarus excisas ut enim vi dissipat aras  
 Librorumq, facem, tollit face Miles, & ense  
 Pallidis ora super stringit, mucrone corusco,  
 Et palma satagit virides incidere ramos :  
 Vulnere de facto Sophie generosa, sub auras  
 Erumpit soboles, & morte resermina traxit  
 Planta ferax. Hydræ veluti de sanguine proles  
 Editur innumero fæture semine, & auctu.

Carolus Imperij quo tempore scepra gerebat  
 Quintus & immenso sua robore didita Mundo  
 Sese ostendebat virtus : Hic Palladis arbor  
 Exeruit patulos fido cum tegmine ramos.  
 Huius enim ut felix erat arboris umbra, Sophorum  
 Confugium illa fuit, nulli & sua palma negata est.

Georgius  
 Copus de  
 Caluis, M.  
 Doct.  
 Familiaris  
 & intimus  
 Paracelso.

Hic primum se fama Copi tulit æthere toto  
 Conspicua Imperij, Sophia de fronde reperta,  
 Aureus huic folijs se ostendit ramus, & offert,  
 Quem Chemeia suis prius amplexata sub Vlnis  
 Euexitq, palam quæ Solus utroq, salutat  
 Phæbus ab Oceano Mundum, ut caput exerit ortu,  
 Condit & occasu. Helueticis qui lumen in oris  
 Eminent hesperys Roterodamus excitus Vndis,

Et latior sermone potens, calamoq; disertus  
Magno in honore virum, & coluit virtute togata  
Conspicuum, retulitq; vicem per mutua dextra  
Officia inscripis, & fido pectoris usu:

Quo cum partiri curas, operumq; laborem  
Eximium, insignem, Paracelso teste, secundas  
Huic meritis ascribi partes, a seq; remitti  
Laude sua, emeritamq; virum pietate, fideq;  
Cecropis ad palmam, & laudem virtutis auitam.  
Quando suum Alberto studium vigil arte probarit,  
Alberto, quo non Maior virtute, nec orsis  
Si qua fides Sophiæ sit habendaq; gratia Musis.  
Illius auspicio stetit, & res integra eiusdem  
Durat opum auxilijs, & munere leta fauorum est.

Namq; Patrocinio dispersas obside Musas  
Arboris ut felice sub umbra, condidit artes.  
Hinc Tutela bonis, & honor suus artibus olim:  
Que sine honore suos pridem eluxere Magistros  
Sub vulgi pede trita, nec illo vindice gaudent  
Posse frui, ut passim Fas exul ab orbe, nec Aulis  
Illius honos Sophiæ manet, ut sua perditæ res est  
In rerum illecebris, nec amor, neq; gratia Musis.  
Pauci adeo ad quorum penetralia subdit honestum  
Calcar iter Sophiæ rectis insistere plantis.  
Omnis in Alberto sed enim fauor eminet, illis  
Quando datus studijs, largo dum Principis usu  
Ipse, & Amicitie decorauit ab omine Musas:

Huic Copus in precio: Velut unio fulget in Auro,  
Hospitiis omne sui preciumq; excelsius effert:  
Sic & in delicijs habitus, dum Chemica tractat  
Abdita, que studijs quanquam indagata priorum  
Eruta sed nulli sub apertas luminis oras  
Arctoi sub parte soli. Tulit unus, & unum  
In medio punctum, quod inextricabile multos,

Ab ipso Pa-  
racelso &  
alijs eius a-  
tatis Che-  
micis pre-  
stantissimis  
Paracelso  
Præceptoribus Medi-  
mentorum  
præpationes accepit.  
Alberti Car-  
dinalis Ar-  
chi-Episcopi  
Magdeb. &  
Halbersta.  
Electo. Mo-  
gunti. erga  
doctos, libe-  
ralitas &  
munificen-  
tia.

Gregor. Co-  
pus de Cal-  
uis. Med.D.  
& Archia-  
ter Elector.  
Moguntini.

Excellent  
Chymicus.

Hoc tempo-  
re Chymia  
floruit.

Familia Co-  
porum Me-  
dicina &  
Chymia stu-  
dijs inde  
iam cen-  
tum annos  
celebris &  
addicta fu-  
it.

Natura  
semper in  
opere est, &  
Artes pro-  
pagantur.

Arte fatigauit, sed inutile liquit ab usu.

Hic vir hic irrupit nodum, & sacra texta corusco  
Dissecuit mucrone, & acumine Mentis, ad illam  
Euasit, nulli quàm fas pertingere, metam:

Qua secreta habitant Naturæ, atq; abditæ in ipso  
Lustra domosq; colunt Sophiæ interiore recessu:

Hac se parte ferax Natura exclusit, & usu,  
Humana Consulta refert dum plurima Vita,  
Qua latuere suis prius obsita, & hausta tenebris.

Dijs merito grates pro tali munere, & usu  
Luminis in Sophijs persoluimus. Accipe votum  
Summe Deum, & nostri vestigia prisca minores  
Observata legant, & amore morentur in illis,  
Quando alias ullam ratione videre salutem  
Non animæ potuere sue, atq; haurire in delam  
Corporis, afflicteq; diu solamina Vite.

Iamq; ferè decies statione peregerat annos  
Sole decem repetente suos, vice lucis, & umbræ  
Alternante, hominum seriemq; operumq; laborem  
Decursis cui spacijs, ut adacta frequentant  
Ex alijs noua fata, suosq; recolligit ortus  
Ex casu alterius noua sors, & fenore pensat  
Funera, nascentum ut numerum cum stragibus, æquat  
Humanis, ne forte mori, neq; posse reuerti  
Extremam rebus mortali in sorte ruinam  
Afferat. Ergo nouis Natura subinde racemis  
Protrudit gemmas, operosaq; semper in actu est,  
Inq; vigore suo perstat, neq; deficit annis  
Hausta suis, Sed opus peragit, in istosq; fruisce  
Fine cupit, Versatq; diu, quod in ætheris auras  
Enixu tandem emittit: Sic procreat artes  
Ex alijsq; nouat studia intermortua quondam.  
Quando Minerva suo est gremio facunda, Nepotum  
Expleat ut seriem. & felicem frugibus annum



Et studijs messes fruticantibus imperet aruis.

Ergo bono sata progenies de patre resultat,  
Postumus inq, heret studijs, incœptaq, fausto  
Sydere prosequitur, quæ liquerat orbe parentum  
Et desiderium, & præceptum morte propinqua  
Votum animi, quod iure suo, quod nomine & Hæres  
Aptat ab arte sibi, atq, usu non degener ipso  
Applicat, ut multos sibi tabe reducit adempta  
Ad vitæ meliora suæ, decursaq, fata.

Prorogat ex viuo Sophiæ medicaminis haustu.

Quando Antimony vel parua fanilla redacti  
Pulveris in lacrymam resolubilis omne Venenum  
Ebibit, atq, luem mira fert arte fugatam.

Illæ tibi exemplo, Vir consultissime, Auorum  
Ritè sequenda reor laudum simulacra tuorum,  
Et præclara patrum vestigia, namq, per illas  
Virtutum hæcce notas, Viuasq, in imagine formas  
Eminet Hæredis Pictas, & Nomen Auorum  
Posteritate legi sera cupit, atq, fruis  
Nominis hæcce sui titulis, & honoribus æui  
In sobole, ut quod erat fragili sibi sorte peremtum  
Vivat ab exequijs, Nomenq, vigescat ab umbris,  
Famaq, ad æternos propagine transeat annos.

Ergo quod arte potes, series & auita tuorum  
Postulat, ingredi, atq, tuis ne desine captis  
Ferre sub ora Ducum, non infima fama sequetur  
Inde, nec arguto me vincet Thracius Orpheus  
Carminē, facta sequar tua carminē, & arte canora  
Artem hanc, & numeris Sophiæ illa decentibus unquā  
Non intacta meis simulacraq, condita linguam.

In mentem veniat Patriæ Virtutis imago:  
Carolus Imperij gereret dum sceptra tot amplis  
Quam laudum ornauit monumentis, armaq, & usum  
Armorū, de more Ducum, vel ab ordine equestri

Martin. Co-  
pus, Pater,  
Med, Doct.

Antimony  
& aliorum  
preparatio  
& Medicin.  
saluberri-  
ma.

Digressio  
ad D. Mar-  
tinum Co-  
pum Medic.  
Doctorem.

Adbortatio  
ad iuuanda  
& continu-  
anda illa  
studia.

Carolus s. li-  
beralitas &  
munificen-  
tia erga  
hanc fami-  
liam. Anno  
1521.

Insignia Fas-  
milie Copo-  
rum de Cal-  
uis.

Equus Nea-  
polit :

Gloria ex  
studijs Che-  
micis.

Magisteria,  
& miracu-  
la, Cornu  
Cervi. Ari.  
2. lib. Hist.  
Animal.

Euectæ Vexilla domus gestanda reliquit,  
Ut memores horum proavito in honore Minores  
Sorte operumq; pari sua per vestigia crescant.  
Viq; habcas propius, Viden ut super æthera anhelo  
Pectore tendat Equus, sua quem Candore nivali  
Colla, iubæq; vehunt, & Castide gloriùs effert  
Vingula, ut è gemino se librat symmate in auras.  
Dum nigra texta suo candent splendoreq; fulgent.  
In Clypeo sed enim proiecta in gramine pascit  
Ora sua, & circum viridi & lactente iuuenta,  
Pubescunt flores, niveo, atq; rubente colorum  
Proventu in vario, pulcreq; in imagine forme:  
Parthenopes reor esse, pice immortale Genette  
Donum, quod Cæsar Musis sacrum immolat olim.  
Inductus pietate Copi, & super arte sacrata  
Chemica quam tractat diuina professio, ut omnem  
Humane super Artis opus transcendit, & alto  
Vertice se quantum tollit, radicibus heret.  
Nature defixa suis, & ad infima tantum  
Descendit regna, & loca fœta nigrantibus umbris.  
Hic tibi Equus signat Victure gloria palme  
Que veniat super arte sacra, mediumq;, modumq;  
Principium, & finem, saturata fauce volaptas  
Annuit ipsa tibi, atq; ultro sua premia pandit,  
Munificis opulenta bonis, & munere Diuum.  
Namq; vides lateant, quanam Secreta profundo  
Nature in gremio. Cornu miracula Corui  
Quanta gerat, vigil hæc docet experientia ab usu  
Multiplici, & vario, tibi quem sacra pandit ademptis  
Cecropis inuolucris Sapiencia dia Sophorum.  
Summus Aristoteles quando hæc fastigia rerum  
Miratur: stupet, attonitis & mentibus heret,  
Quando ex Cornigeris huic uni deflua certa  
Cornua sunt vice, & humane medicamina vite

Certa

Certa fouent, si quando suo resoluta liquefcunt  
Flumine, & ex lacryma ipsius vis Mystica inundat.  
Spiritus hijce etenim Mundi est impressus, & auum  
Indulget, vitæq; moras fugientis adempta  
His carie annorum suspendit sospite vite.  
Munere, & immissa cælestis ab indole differt.  
Occultaq; poli virtutis, in infima postquam  
Corpora demittit radium, & Iouis imprimit. Astrum  
Influxu, & genio Nature haud dispare, & auctu.

Nam Radicali quod in ipso pascitur Vdo  
In Densi virtute sui decus auget, ut illud  
Ex pingui fouet amplexu, & sua fomite, & euo  
Robora confortat viridante subinde luuenta.  
Nature propiore gradu, quam si qua Metallis  
Gratia in humanas conuertitur utilis artus,  
Tabæ lenare sua, Corpus qua sepe refertum est.

Hic etenim virtus faciles ut Analoga formas  
Induit, & certa variat ratione, medullis  
Affixum vegetale suis, & principe Voto.  
Hic sed ut Artis opus latet interiore recessu  
In Sophia, tibi signa dabit, quo talia ductu  
Perficere, ac poteris felice quiescere ab usu.

Ceruus enim ut latebris Serpentis virus opacis  
Nare sagace legit, sua Cornua fonte salubri  
Mergere auet, totisq; haustum dissellere membris  
Virus: ei ruptis liquuntur viscera venis.

Quæ largo passim sudore perambula toto  
Spiramenta legunt animæ conanime: ibi omnem  
Virus ut eluuiem posuit viriute recepta,  
Flore vivere nouo simul incipit, atq; senecta  
Damna vigore leuat, decursosq; integrat annos,  
Quando huic in Lacryma sua Mystica vena fluorem  
Soluatur. Hinc tanti patefacta est gloria facti.

Quid referam Cerui quod ab Osse repullulat intra

Lacryma  
Cerui.  
Agrippa.

Orpheus.

Humidum  
radicale.

De Cerui  
miraculis.

Mysterium  
Lacryma  
Cerui.

|   |  |
|---|--|
| <i>Os Cerui in Corde.</i>   | <i>Viscera Cordis? Eburne id Cartilaginis instar<br/>Naturæ secreta suæ manifesta recludit?<br/>Vi Crucis in formam, sacra toti Mystica Mundo<br/>Ostendit, resoluta sui &amp; vis editur ingens.</i>  |
| <i>Ungula Alcis.</i>  | <i>Sic Alcis quoq; multa tibi dabit ungula, nostræ<br/>Quæ Medicinæ petit vitæ, succosq; salubres<br/>Elicit acta suis Essentia Quinta fluentis.</i>   |
| <i>Eboris solutio.</i>  | <i>Sicne Eboris solido guttas de corpore cernis<br/>Arte trahi miræ, quod testile fecit ab igni<br/>Septima pruna coquens, oleumq; excludit, &amp; undam,<br/>Quando soluta suis Essentia Quinta cauernis<br/>Intus anhelantem foris euocat ubere succum?</i>  |
| <i>Monocerotis Magisterium.</i>   | <i>Hac quoq; Monocerotis agit ratione, profundi<br/>Dia Magisterij virtus, quam viscere Cornu<br/>Interiore gerit. Dum soluitur, imbre salubres<br/>Depluit expresso succos, vimq; euocat omnem<br/>Humane pro sorte Animæ in statione tuendæ. (lent</i>   |
| <i>Electri Medicina.</i>  | <i>Quam varia Electri medicamina ab ubere stil-<br/>Quis potis effari? tenet insanabile multos<br/>Vlcus in Articulis, &amp; opem Medici expuit omnem,<br/>Id tacita leuat arte, simulq; horrenda dolorum<br/>Tormina sistit, &amp; attritos ope suscitât artus.</i>   |
| <i>Lapillorum<br/>Corallorum<br/>Perlarum,<br/>Margaritarum vir-<br/>tus.</i> | <i>Quanta Lapillorum generosis insita virtus<br/>Coisporibus, manifesta parent, documentaq; ab usu<br/>Edita longæuo testantur, ut illa Corallis,<br/>Gemmarumq; satû, Crisallorumq; solutis<br/>Visceribus, quamq; in gremio fert Margaris imo<br/>Panditur effigies super arte, nec ulla renidens<br/>Tanta Magisterijs opera, ut se læta profunda<br/>Semina Naturæ exonerant, mirabile dictu,<br/>Hannibal ut rigidas cautes perrupit ab ausu,<br/>Italia dum tellus, &amp; virtus excitat vltro.<br/>Exemplo haud alio, quam si non fregerit Alpes<br/>Ingeniosa tui &amp; virtus operosa laboris</i> |

Non facile ascensu superes, atq; inuia vincas.

Nam quæ cruda manent, ea non tibi Corpora præ-  
Atq; Magisterijs dum non sunt obuia tantis (stant  
Cassam Operum faciem, & nullum Medicaminis usum  
Portendunt. Strutionis ut igne liquefcere tandem  
Frustrâ enitaris, qui Saxa, Metallaq; in usum  
Corporis humanum stomacho malè vertis inert.

Ergò opus est alijs medijs, atq; arte Magistra  
Vt tantæ artis opus iusto Medicaminis usu  
Humano aptetur generi, Nam libera nondum  
Carcere quando suo, tibi iussa Solutio fecit  
Corpera, non usu tibi possunt esse salubri.

Non aliter quàm si Lapides vel cruda subintrent  
Frustra Metallorum tibi Corpus, & omne labascet  
Corporis officium, & iam Spiritus exeat umbris  
Latus ad astra suis, & linquat triste cadaver.

Cætera præteriens, quæ docta Minerva tot illis  
Abdidit Astorum facibus, ditemq; Metallis  
Affinxit faciem, sed opaco semine pressam  
Et paucis notam, mortali sorte creatis,

Nam quæ Mercurio, quæ Soli & gloria Luna,  
Quæ Marti & Veneri data, famaq; visq; medendi,  
Quæ in Antimonij venis inclusa vigescunt  
Indole Tinctura, sapienteq; luminis Astro:  
Illa libens alijs post me memoranda relinquam. (gò

At Salium genus omne sequar, neq; cognita vul-  
Mystica in his tangam breuib; maiorq; pandam  
Artis ab auspicio tantæ, quam dia, sub auras  
Maiorum exclusit generi, atq; Minoribus olim  
Promisit prece victa referre Minerva, sine usu  
Abdita, ne iaceant Artis Mystera in umbris, (do

Cumq; queas opus ingredi, ac tua Nomina Mun-  
Ostendas, quàm clara suis atq; excita Cæptis  
Brunoidum dum fortè Duci sacra tanta recludis.

Corpora solè  
uenda sunt.  
Struthionis  
stomachus.

Solutione  
omniò o-  
pus est.

Digestio.

Vis Medica  
in Planetis.

Transitio  
ad Salium  
genera,

Non sine laude tui, rumpantur ut Ilia Codri  
Qui sua post habitis iactant proscenia Musis.

Namq; tenes studia, atq; operas, operumq; laborem  
Fine, modog; suo, mensura & lumine, & usu:  
Quæ dum fortè latent alios, super arte laborem  
Ingratum sine fruge trahunt, mediog; fatiscunt  
In cursu, ut temo currus iacet axe reuulso. (sam

In Salibus  
introducitur  
Analogica,  
& Clavis  
ad Secreti-  
ora Artis,  
Hic omnes  
se operatio-  
num forme  
exhibent.

In Salium genere est quedam introductio, ad ip-  
Effigiem Lapidis, quem Progymnasmata signant  
Hæce tibi, & velut est sacra Clavis, ad ipsa Sophorum  
Abdita secretis habitata palatia in umbris.

Namq; Operum hic omnes pandunt sese omine for-  
Quæq; suo, & nullo penitus discrimine distant (tes.  
A Sophia adducto conamine, quando laborem  
Arte, Metallorum exercent super augmine leto,  
Dum fiunt perfecta, suo imperfecta repressu  
Corpora, & erumpunt facies sub dispare forma  
Ingenio, atq; sua noua semina ab indole trudent.

Natura ex-  
petit Artis  
opus.

Mirum opus, atq; artes mira, super illa laborum  
Auspicia, è proprijs Natura puerpera venis  
Quæ spontè excludit, si quando inuatur in ausis  
Leta, operosa suis, ut nunquam deside hebescit  
Agenij Virtute sui, & propagine, & auo.

Tria in Sa-  
libus Spiri-  
tus, Anima,  
Corpus.

Nam tria constituunt quæ res generante creatas  
Ordine Naturæ: in Salibus quoq; . Spiritus illis  
Namq; ut inest, Animæ vigor omnes Corporis artus  
Munere letus obit Vegeto, seq; ætheris aura  
Miscet agens toto diffusas corpore vires  
Talia qui sapiunt, ut Halatia prisca Sophorum

Hic occulta  
fiunt mani-  
festa.

Quæq; docent, manifesta his omnia luce patescunt  
Quæ prius abstruso Sophiæ velamine inumbrant.  
At Salia illa suis, longè interclusa renident,  
Facta Magisterijs Sophiæ, quantum æthera ab imo  
Telluris spacio, tantum communibus arctant

Hæc

Hec sese à Salibus, neq. gratia tanta resultat  
Illorum, Vt Mulieris opus planè impare ab ausu  
Id tentare queat minimè, & super arte labascit.

Namq. quod Inferius fuit, hic super aethera molem  
Portat ab inferiore gradu, superumq. vigescit  
Auspicijs, residetq. suis vis viraq. membris.

Arte Magisterium tanta eminet, aethere ab alto  
Quale Deum Igniculis è Pyxide Calite Proteus  
Contulit humano generi, aternisq. sacrauit  
Artis ab auspicijs, felici & Luminis usu,

Suntq. alia. Ast horum describere nomina longum  
Vt foret, omittam. Tibi quenam Solis ab Astro  
Quæ Pandagogo, quæq. Horizonte resultet  
Vis arcana sui claro Medicaminis usu,  
Non later, utq. alijs sese Elixiria formis  
Entia dum monstrant sua prima, euoluere certant,  
Atq. suis nondum quæ habiisata feruntur  
Nominibus, certo Medicaminis omine passim  
Egregia, ut raris secretaq. Vocibus hiscunt,  
Non vulgi de plebe, sed edita sanguine equestri,  
Prælustrig. satu, & Dinorum Regia proles,  
Et quæ complexu veterum tibi principe in aurant  
Clara reperta suo, haud priscis ignota Sophorum:  
Quæis ego non metas cui, non nomina ponam.

Quando Moguntini fauor Albertig. recurrunt  
Vota diu, quibus ardet Annum hac super arte probatum  
Saxonieq. Ducis, quibus ille insignibus actus  
Naturæ stimulis Augustus, Maior & ipsis,  
Egregium Patris arte decus superare merendo  
Toto animi intendit voto: quos aethere aperto.  
Fama volans, post fata, sue vehit inclita vitæ,  
Laus ut Auo, atq. Patri sua floret honora, Nepotum  
Stirpe renascenti, in Patriæ virtutis amorem.

Illæ pio attendas, Copi, multumq. renouas

Pectore,

Et longè des-  
stant ab a-  
lijs Com:  
Salib.

Hic inferi-  
us fit Supe-  
rius.

Diuina est  
reuelatio.

Solis Astrū.  
Pandago-  
gum, Hori-  
Zontis arca-  
num, &c.

Et alia Eli-  
xiria & pri-  
ma Entia  
infinita nu-  
mero & No-  
mine.

Non peda-  
nea sed Re-  
gia.

Repetitio  
priorum, &  
munificen-  
tia Heroum



*Adhortacio  
ad Martin.  
Cop. Medic.  
Doct.  
Dux Brun.  
Henric. Iul.*


*Rudolphi 2.  
Rom. Impe-  
rat. ad hæc  
studia ar-  
dor & mu-  
nificent:*

*Pectore, & ad tantas animote glorijs artes  
Verte lubens. Ità spem generis præcelsius effers  
Maiorumq; decus studijs insignibus exples.  
Brunoidumq; Ducis, quem ingentibus amula, ad illas  
Fert stimulus virtus sua, & Artes increpat ultro,  
Vota pij superas, gratum & trahis arte laborem:  
Fors ille AEsculapio, & sua cernet honora Maroni  
Præmia, honore Deum pietas quem remige portat.*

*Dum loquor inuicti se gratia Caesaris ultro  
Fert medio, Sophia studia illa fauoribus ardet  
Immensa eximijis, cui maiestate verendum  
Pectus hiat, dignos Musis indicere honores  
Act titulos gestare, suisq; insigne decorum.  
Parthenopæus Equus, dum munere clarus Auorum  
Caesaris, attollit Clypeum, & super æthera famam  
Integrat, & Copis sua didita gloria Mundo  
Ex Sophia studijs, & honoribus auctaq; & auro est.*

PRAETEREVNTES, PRAETEREVNTVR.

QVI NON CAPIT,



NON SAPIT.

F I N I S.













